

## Sane dem 2023 Referendum campein material blo yu

Yupla ken elp mipla po kolekt dem campein material dat pipol bin yuzem prom da 2023 Referendum baut Aboriginal ane Tores Streit Ailan Voice.

Prom da taim bipo da referendum, mait yupla bin luk flyers, posta, badges, sticka, ane dipren ting wanem bin printem.

Wen mipla kolekt dem material yu sanem kam po prom dem eria blo yu, e go elp dem pipol uda go kam apta, po sabe da stori baut da referendum.



### Wiskain ting mipla wande kolekt

Mipla kolekt dem campein material prom dem tu said blo da debate. Mipla go gede dem official Yes ane No campein material, bat yu ken elp mipla wea dem nada ting wase:

- prom dipren grup ane prom meeting wea komuniti blo yu
- wanem ol First Nations pipol bin mekem
- prom dem ausaid ane prapa ausaid eria
- wea ol nada langus prom English

Mipla wande ol ting wase leta, 'wiskain po vote' card, posta, pamphlet, badge, sticka, T-shirt, ane hat.

## Wiskain po sapot dis campein po kolekt demkain ting

Ip yu gad eni demkain ting, pliz sanem po mipla. Yu ken sane smol ting (wanem go fit insaid blo A4 leta) e go bi free ip yu rait po dis reply-paid adress blo mipla ya:

Referendum Ephemera  
Curatorial & Collection Research  
National Library of Australia  
Reply Paid 83399  
CANBERRA ACT 2600

Ip em mo big dan A4 leta, pliz email mipla po [select@nla.gov.au](mailto:select@nla.gov.au). Gibe inpomeisan baut wanem yu wande gibem po mipla.

Mipla no go spik ip mipla bin gede dem ting yu bin sanem kam, anles yupla ask, bikozi mipla go gede mina plenti material.

## Wanem mipla go mekem wea dem campein material

Wen da referendum e pinis mipla go sortem aut dem material. Mipla go kipe ebriting wea prapa seip eria solong ol kan spoil. Den mipla go raitem insaid da Libaray catalogue solong pipol ken lern mo baut da referendum.

Yu ken luk da koleksan blo da [Referenda material](#) ane luk olkain streinz ane spesil ting mipla bin kolekt prom dem dem nada referendum.

## Digital material

Mipla ane dem nada grup go kolekt referendum material wanem bin online. Dis material ol go seibem wea da [Australian Web Archive](#).

## Dem ting mipla no wandem

Mipla no wande material wea em damiz, photocopy, photo, o copy blo dem ting mipla pinis bin gedem.

Ip yupla gad wori baut dem ting yu gad, pliz sane email po [select@nla.gov.au](mailto:select@nla.gov.au) ane mipla go spik yu ip wi wandem.

Mipla mait no go teke material ip em no fit wea da [Collection Development Policy](#). Ip mipla olredi gad kopi blo samting, mipla go sakwei dat material wiskain da Library [Deaccessioning and Disposal Policy](#) e spik.

## Mipla ya po elp

Ip yu gad eni kweston baut sane demting po dis koleksan pliz sane email po [select@nla.gov.au](mailto:select@nla.gov.au).